



PREZIDÊNCIA KONSELLU MINISTRUS

VIII GOVERNUN KONSTITUSIONÁL

KOMUNIKADU IMPRENSA

Sorumutuk Konsensellu Ministrus nian iha loron 11 fulan-jullu tinan 2018

Governu hala'o sorumutuk iha Palásiu Governu, iha Dili, no aprova ona proposta ne'ebé Primeiru-Ministru, Taur Matan Ruak hato'o, kona-ba hanaruk mandatu Komisáriu Komisaun Anti-Korrupsaun (KAK) nian, Adérito Tilman, tanba haree katak mandatu ida daudaun ne'e sei remata iha loron 15 fulan-jullu oinmai no kompete ba Governu atu propoin ba Parlamentu Nasionál kandidatu ne'ebé Plenáriu atu hili.

Konsensellu Ministrus aprova ona Proposta Lei ne'ebé relaciona ho autorizasaun estraordinária atu halo transferénsia ida kona-ba Fundu Mina-rai nian, tanba haree katak saldu restu husi ezelesaun orsamentál tinan fiskál anteriór nian la to'o atu asegura despeza sira ne'ebé maihusi atividade Administrasaun Públika nian no tanba Lei ne'ebé vigora daudaun ne'e la haree didi'ak kona-ba situasaun sira iha ne'ebé despeza públika ezelekta tuir rejime duodésimu suplementár ida. Proposta Lei ne'ebé aprova ona ne'e ninia objetivu maka permite finansiamentu ba atividade Administrasaun Públika nian durante períodu ne'ebé rejime duodésimu suplementár vigora.

Ikusliu, Ministru Negósius Estranjeirus, Dionísio Babo Soares, apresenta ona proposta, ne'ebé hetan aprovasaun husi Konsensellu Ministrus, kona-ba Rezolusaun Governu nian ne'ebé relaciona ho donativu ba Representasaun Permanente Repúblika Árabe Saharai Demokrátika, hodi reafirma solidariedade no apoiu Timor-Leste nian ba luta autodeterminasaun povu Saharai nian, **REMATA**



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@mail.com
(+670) 33 310 608